

# **REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 10-04-2026**

**Mødedato** Fredag d. 10. april 2026 kl. 19:00

**Mødested** Kommunalbestyrelsesip ataatsimiittarfiani

## Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Pinnguarluta Kivitsisa.....	8
Suliniuteqarfimmut aningaasanik atuinermi killiffik pillugu ilisimatitsissut.....	11
Ejnar Mikkelsenila Aluarpia pillugu nakkutilliinermi nalunaarusiaq.....	14
Nakuusami aalajangersagaq tunngavigalugu suliniutit.....	17
Tunumi nunaqarfinnit atuartunik Nuummi atuartut angerlarsimaffianni tiguisinnaanermut malittari	20
Tamalaat.....	23
Imaqarniliap akuerineqarnera.....	25

## **Punkt .: Saqqaa**

### **Ilaasortat**

Poul Petersen (D), siulittaasoq

Arnanguak Steenholdt (IA)

Ida Julie Andersen (IA)

Doris J. Jensen (S)

Laura Tãunajik Uitsatikitseq (S)

### **Beslutning**

#### **Ataatsimeeqataasut**

Poul Petersen (D), formand

Arnanguak Steenholdt (IA)

Ida Julie Andersen (IA)

Doris J. Jensen (S)

#### **Attaveqaatigut peqataavoq**

Laura Tãunajik Uitsatikitseq (S)

## **Punkt .: Oqaluuserisassat akuerineqarneri**

### **Beslutning**

Laura Tâunajik Uitsatikitseq (S) immikkoortoq 5 suliamut attuumavallaarnini nalunaarutigaa

Oqaluuserisassat akuersissutigineqarput.



# **Punkt .: Nalunaarutit**

## **Beslutning**

### **Poul Petersen, siulittaasoq**

Meeqqanut Atuarfeqarnermullu Ingerlatsivik pisortamik nutaamik atorfinitsitsivoq

### **Meeqqanut Atuarfeqarnermullu Ingerlatsivik**

Marsip ulluisa 25-anni kommunalbestyrelsimit Paamiuni meeraaqqerivik Meeraq aamma Meeqerivik Mike, meeqqeriviup illutaani ataatsimoortinneqassasut akuersissutigineqarpoq.

Qatserisartoqarfimmiilli Mike misissuiffigineqarmat annertuumik allannortiteqqaartinnagu illu meeqqanut amerlanerusunut atorneqarnissaa akuerineqarsinnaangilaq.

Taamaattumik qatserisartoqarfimmit meeraaqqerivik Meeraq misissuiffigineqarpoq, tassanilu paasineqarpoq meeqqat tamarmik ataatsimoortillugit illu atorneqarsinnaasoq

Maajip aallaqqaataani meeqqat meeqqerivimmiittut sulisullu Meeqqanut nuussapput, illumi ataatsimiilerniassammata.

Tallimangorneq ulloq 10/4 sulisunut paasissutissiinertalimmik ataatsimiittoqassaaq aammalu pingasunngorneq ulloq 18/4 angajoqqaanut paasissutissiinertalimmik ataatsimiittoqassalluni.

Meeqqanut Atuarfeqarnermullu Ingerlatsiviup attaveqaqatigiinnermut immikkoortorta qeqatigalugu kalluarneqartunut tamanut paasissutissiisummik allagaqarput.

### **Meeqqanut Ilaqtariinnullu Ingerlatsivik**

- Siusinnerusukkut kisitsisit pingaernerit pillugit nalunaarussiaq ataatsimiititamut saqqummiunneqartoq Namminersorlutik Oqartussat workshoppertitsinissaanni kommuninut saqqummiunneqassasoq neriuutiginarpoq.
- Kommune tamakkerlugu ikiuiguasuarnissamut upalungaarsimasut atorneqalissapput Politiit isumaginninnermilu sillimasut qanimut suleqatigalugit.



# **Punkt 1: Pinnguarluta Kivitsisa**

## **Beslutning**

Ilisimatitsissut tusaatissatut tiguneqarpoq.

## **Bilag**

Kivitsisa pillugu siunnersuut - Naatsumik oqaluttuarinera

Pinnguarluta Kivitsisa Missingersuutit

Pinnguarluta Kivitsisa - Kommuninut naatsumik allaaserinera



## Pinnguarluta Kivitsisa

Atuartitsineramik suliaqarfimmik digitaliusumik ataatsimoorussamik ineriartortitsineq

Ilisimatitsissut

SagsID.: EMN-2026-00170

Meeqqanut Atuarfeqarnermullu Ingerlatsivik – pisortaagallartoq Rena Kriegel Mikkelsen / REMI

### Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Inuit Ataqaatigiit Demokraatillu akunnerminni piffissami 2025-2029 suleqatigiinnermut isumaqatigiissutaani atuarneqarsinnaavoq, digitalimik atuartitsinerit annermik isiginiarneqassasut. 2018 aallarnefigalugu Kommuneqarfik Sermersooq Kivitsisamut peqataavoq, taanna nunatsinni kommunit tallimaasut internetsi aqutugalugu atuartitsinerit digitaliusumut ataatsimoorussatut aqqissuussaraat. Kivitsisami suliniutitut nutaatut saqqummiunneqartumi, Pinnguarluta Kivitsisa, kommunit akimorlugit digitaliusumik atuartitsineq assigiissaarneqassaaq ineriartorteqqinneqarlunilu, Kommuneqarfik Sermersuumi meeqqat atuarfiannut sammisaqarfik peqataavoq.

Pinnguarluta Kivitsisa, LIFE-Fonden Ilinniartitaanermullu Aqutsisoqarfik peqatigalugit ukiuni sisamani suleqatigiinneruvoq, pilersaarutaavorlu upernaakkut 2026-mi aallartinneqarluni 2029-mut ingerlassasoq. Suliniutikkut atuartitsinerit atortussat digitaliusut pissarsiarineqarsinnaanerit pitsannorsarneqassaaq, atuartitsinerit atortut nuna tamakkerlugu suliaqarfimmi ataatsimi katersuutsinnerisigut. Tassunga atasumik atuartitsinerit atortut piusut pitsaassusaat qaffassarneqassapput pitsaassutsimik qulakkeerinnineq, nutarterineq aamma taakkuninnga ineriartortitsinerit aqutigalugit. Saniatigut atuartitsinerit atortunik nutaanik ineriartortitsisoqassaaq nunatsinni najukkanilu sammisanik aamma ulluinnarnik pinngortitamillu aallaavilinnik, kiisalu nunanit allanit atortunik toqqakkanik nutserisoqassaaq naleqqussaasoqarlunilu. Taamatuttaaq atuartitsinerit atortut alimasissumit atuartitsinerit immikkut ineriartortinneqassapput naleqqussarneqarlutillu.

Kivitsisa suliniummik piginnittuuvuq, ulluinnarni suliniummik aqutsineq ataqaatigiissaarinerlu allatseqarfianit suliarineqarput. Paasiniagassanik pingaarnersiukkanik toqqaanerit aqqissuussisullu aalajangiinerat, ataatsimiititaliaq ataatsimoorussa qaqutigalugu Ilinniartitaanermut Aqutsisoqarfimmit aalajangersarneqartassapput. Suliat pitsaassusiinik qulakkeerinnineq soorluttaaq ilinniartitsisut pilersaarutaat, teknikkimut piginnaanerit aamma suliniutip aallartisarnerani tapersorsorneqartuarneq Ilinniartitaanermut Aqutsisoqarfimmit tunniunneqassapput. Ilinniartitaanermut Aqutsisoqarfik piginnaasanik aamma misilittakkanik, piginnaasanik ineriartortitsinerup taputariissinneqarneranik Ilinniartitsinerimik Ilisimatusarfimmik peqateqassaaq, saniatigut ineriartortitsineq, pitsaassutsimik qulakkeerinnineq atortuulersitsineq ilanngullugit. Suliniutip naammassineqarnerani suliaqarfik aamma atortut Ilinniartitaanermut Aqutsisoqarfimmit tiguneqassapput. Suliniummik ingerlatsinerup nalaani LIFE-Fonden nukissanik tapiissuteqartassaaq.

### Ingerlatsivimmit aningaasatigut sulisoqarnikkullu naliliinerit

Suliniutip ingerlanneqarnissaanut 17.998.585 kr.-it LEGO-Fondenimit aningaasaliissutigineqarput. Taamaattumik Kommunip Pinnguarluta Kivitsisamut peqataanera aningaasartuutiniq



nassataqassangatinneqanngilaq. LEGO-Fondenimit aningaasaliissutit immikkoortunut sisamanut matussusiissapput, sulisoqarneq pisiniartarfillu, angalanerit ataatsimiinnerillu, atortussiat, atortut kiisalu atortuulersitsineq ingerlatsinermilu aningaasartuutit aalajangersimasut.

### **Missingersuusionermut Naatsorsuusionermullu Immikkoortortamit aningaasatigut nalililneq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiit**

- Inuit Ataqtigiiit aamma Demokraatit akunnerminni suleqatigiinnissamik isumaqtigiissutaat 2025 - 2029

### **Ilangussaq**

1. Kivitsisa pillugu siunnersuut - Naatsumik oqaluttuarinera
2. Pinnguarluta Kivitsisa Missingersuutit
3. Pinnguarluta Kivitsisa - Kommuninut naatsumik allaaserinera

## **Punkt 2: Suliniuteqarfimmut aningaasanik atuinermi killiffik pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

2025-mi Aningaasaqarneq pillugu pilersaarut

VISKA Horses

Sapaatip akunnerata naanerani asimiinnissamut neqeroorut



## **Suliniuteqarfimmut aningaasanik atuinermi killiffik pillugu ilisimatitsissut**

Ilisimatitsissut

SagsID.: EMN-2025-02408

Meeqqanut Ilaqutariinnullu Ingerlatsivik – pisortaq Frederik Lundblad / FREL

### **Inassuteqaat**

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq.
2. Kingornatigut ilisimatitsissut Aningaasaqarnermut Inuusutissarsiornermullu Ataatsimiititamut ingerlateqqinneqassasoq.

### **Suliassamik saqqummiussineq**

2025-mi Inissiinermi kontumit Suliniuteqarfimmut immikkoortinneqartut 4 mio. kr.-t atornerarneranni killiffik pillugu Meeqqanut, Ilaqutariinnut Atuartitaanermullu Ataatsimiititaq ilisimatinneqarpoq.

Suliniutit naammassineqartut

Umiatsiamik matoqqasumik inunnut 12-inut inissalimmik pisisoqarpoq (1.9 mio. kr.).

Umiatsiaq Suliniuteqarfimmi meeqqanut ilaqutariinnullu pinngortamik aallaavilinnik sammisanut atatillugu angallassinermut atornerqassaaq.

Imarsiornermut Aqutsisoqarfimmit ilaasunik angallassinissamut inaarutaasumik akuersissutigineqareerpat kiisalu angallataatillit peqatigiiffiannit imaluunniit umiarsualivimmi umiatsiaq inissaqalerpat aatsaat umiatsiaq atornerqalissaaq.

Viska Horses (430.000 kr) aamma suleqatigalugu hiistit atorlugit inuunerissaanermik misiliutigalugu suliniummik ingerlatsisoqarpoq.

Suliniut pitsaasunik angusaqarfiuvoq. Meeqqat aamma angajoqqaat atugarissaanerminni, atassuteqarnerminni aamma misigissutsinik isumaginnissinnaanerminni pitsanngoriaateqarput (ilanngussaqaq takuuk).

Misilittakkat aamma takutippaat suliniut atuarumajunnaanermut pinaveersaartitsinnaasoq aamma ilaqutariit nalinginnaasumik atugarissaanernannut nukittorsaasinnaasoq.

Tamanna tunngavigalugu suliniutip nanginneqarnissaa pilersaarutigineqarpoq. Taamaattumik ingerlatsivimmit ilassutitut aningaasaliissutinik qinnuteqartoqarnissaa eqqarsaatersuutigineqarpoq, taamaalilluni suliniut 2026-p sinnerani ingerlaannarniassammat.

Suliniutit suli naammassineqanngitsut

2025-mi meeqqanik aamma inuusuttunik pinaveersaartitsinermi siunnersuineramik nukittorsaasussanik inuusuttunut siunnersortinik marlunnik atorfinitsitsinermut aningaasanik immikkoortitsisoqarpoq (1 mio .kr.) Taamaattoq piukkunnartunik qinnuteqartunik atorfinitsitsisoqarsinnaasimanngilaq, aammalu taamaattumik suliniut 2025-mi piviusunngorsinnaasimanani.

Aamma ilaqutariinnik sapaatip akunnerata naanerani pinngortitamut angalatitsinermut (200.000 kr.) kiisalu pinaveersaartitsinermi suliniummut angajoqqaanut atornerluisunut siunnerfilimmut (75.000 kr) aningaasanik immikkoortitsisoqarpoq. Sammisassat taakkua aamma 2025-mi ingerlanneqanngillat ilaatigut sulisussaaleqinermik aamma suliniutinik allanik pingaarnersiuiq pissutigalugu.



Taamaalilluni suliniutinut taakkununga aningaasaliissutit 2025-mi atorneqanngillat aamma 2026-mut missingersuutinut nuunneqaratik.

Ingerlatsivimmit suliniutit piviusunngortinneqarnissaat sulissutigineqaannassaaq, aama tassunga atatillugu piffissami kingusinnerusumi ilassutitut aningaasaliissutinik qinnuteqartoqarnissaa eqqarsaatigineqarpoq, tamanna sulianut aqqqissuussinikkullu attuumassuteqassappat. Suliniutit ingerlasut

Mianerinnittumik angerlartitsinissat pingaartillugit ataqatigiissaarinissamut suliniummik aqutsisussamut aningaasat (295.000 kr). atorneqalereerput. Ilaqutariinnut aqqutissiuussisut aamma perorsaanikkut mentorit angajoqqaat peqatigalugit sammisassanik pilersaarusiuleruttorput ingerlatsillutillu.

Inissiinerup kingornatigut toqqissisimanartumik patajaatsumillu angerlartitsinermi meeqqanik ilaqutariinnillu tapersersuinissaq siunertaavoq. Suliniut kommunimi meeqqanut toqqissisimasumik mianerinnittumik angerlartitsinissaq pillugu pingaarnertut anguniarneqartunut tapertaavoq.

### **Ingerlatsivimmit aningaasatigut sulisoqarnikkullu naliliinerit**

Oqaaseqaateqartoqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Oqaaseqaateqartoqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Meeqqanut Ilaqutariinnullu Politikki 2025 - 2035

### **Ilangussaq**

1. 2025-mi Aningaasaqarneq pillugu pilersaarut
2. VISKA Horses:
3. Sapaatip akunnerata naanerani asimiinnissamut neqeroorut

## **Punkt 3: Ejnar Mikkelsenila Aluarpia pillugu nakkutilliinermi nalunaarusiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

Ejnar Mikkelsenila Aluarpia pillugu nakkutilliinermi nalunaarusiaq



# Ejnar Mikkelsenila Aluarpia pillugu nakkutilliinermi nalunaarussiaq 2025

Ilisimatitsissut

SagsID.: EMN-2024-01060

Meeqqanut Atuarfeqarnermullu Ingerlatsivik – pisortaagallartoq Rena Kriegel Mikkelsen / REMI

## Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Meeqqanut Atuarfeqarnermullu Ingerlatsivimmi Atuarfeqarnermut immikkoortorta qiffissami 18. aamma 25. novembari 2025-imi Ejnar Mikkelsenila Aluarpiani nakkutilliartornikuuvoq.

Ejnar Mikkelsenila Aluarpia piffissami nakkutilliartorfiusumi 61-inik atuortoqarpoq. Klassini nalinginnaasuni 55-inik atuortoqarpoq aammalu klassini immikkut atuartitsiffiusuni arfinilinnik atuortoqarluni. Atuarfik ilinniarsimasunik ilinniartitsisunik qulingiluanik aammalu timelærerinik tallimanik sulisoqarpoq, taakkunanga marluk najugaq qimannagu ilinniartitsisunngorniarfimmi ukioq siulleq ilinniarnertik ingerlappaat. Atuarfik Atuarfik ukioqatigiiaanut ataasiakkaartunik klasseqarpoq, taassaniipput klassit ukioqatigiiaat aamma ukioqatigiiaanngitsut, klassinit assigiinngitsunik ukiulinnik atuartulik ataatsimoorussiffiusoq ilanngullugit. Atuartunit 61-init atuartut 33-it klassini akuleriaartuni atuartarput.

Atuarfimmiipput 1. klasse ataaseq, 2. aamma 3. klassit ataatsimoortut, 4. klasse ataaseq, 5. aamma 6. klasse ataaseq, 7. aamma 8. klasse ataaseq, 9. klasse ataaseq, 10. klasse ataaseq, kiisalu klasse immikkut ittumik atuartitsiffiusoq ataaseq. Ukioq atuarfiusoq 2026/27 atuarfimmi aqutsisunit pilersaarutigineqarpoq 7. aamma 8. klassit agguataarneqassasut, alloriarfinni agguataarineq aamma piginnaassutsikkut assigiinngissutsit tunngavigalugit. Atuarfik allamik aqutsisortaarnikuuvoq, maannakkulli atuarfimmi pisorta qalajangersimasuuvoq. Illumik iluarsartuussineq ingerlavoq siusinnerusukkut illup iluani silaannalunneranit oqoqarneranillu ajornartorsiutit kingunerannik.

Ejnar Mikkelsenila Aluarpia ilinniartitsisunik ilinniarsimasunik sulisoqarluarpoq, aammalu ilinniartitsisut tamarmik immikkut ittumik atuartitsinermi pikkorissaqataanikuullutik. Ilinniartitsisut ukioqatigiiaat tamakkerlugit inernerit isumannaatsuunissaannik qulakkeerinninnissamut anguniagaqarnissamullu iluatsinngitsoorput Kalaallisut, Qallunaatut, Tuluttut Matematikkimilu. 3. klassemi atuartunut inernerit isumannaatsuunissaannut tunngatillugu matematikkimi 61% qaffasinnerpaajusoq assersuutigineqarsinnaavoq aammalu Kalaallisut inernerit isumannaatsuunissaannut 34% appasinnerpaajulluni.

Atuarfimmi meeqqat atuarfiat pillugu inatsimmi minnerpaaffiliussa naapertorlugu ingerlatsisoqarpoq. Nalilersuineq Angusakka atorneqarpoq, aammalu ilinniartitsisut ukiumoortumik pilersaarutini atuartitsissutissanillu pilersaarusiorneq sularisarpaat Ilinniartitaanermut Aqutsisoqarfimmit ilinniartitsisunut pilersaarutit aallaavigalugit. EMA-mi ilinniartitsisut ingerlaavartumik nalilersuinerit pillugit pikkorissarnermi peqataaqqammerput aamma kingorna iliuusissatut pilersaarutiniq suliaqarlutik aallartippat. Ataatsimut isigalugu ilinniartitsisut sulinngitsoortarnerat ajornartorsiutaanngilaq. Ilinniartitsisut sulinngitsoorneri tamarmik TRIO Tabulex-ikkut nalunaarsorneqartarput

Nakkutilliartornermi nalunaarusiami inerniliussani ataatsimoortuni innersuussutit aallaavigalugit immikkut ittumik atuartitsinermi pitsaanusumik patajaassuseqarnissaa siunnersuutigineqarpoq ilinniartitsisunik ikorfartortinillu aalajangersimasunik atorfeqartitsinikkut. Siunnersuutigineqarpoq ilinniartitsisut immikkut atuuffillit pitsaassutsimik nalunaarusiornermi atorneqassasut, taassuma imartunerunissaa siunertaralugu aammalu aaqqissuussaasumik klassinut takusaasarneq ingerlanniarlugu, taamaalilluni atuarfiup pisortaata ilinniartitsisut ataasiakkaat atuartitsinerat paasisaqarfiginiassammagu. Tamatuma saniatigut siunnersuutigineqarpoq ullaakkorsiortitsisarneq nangeqqinneqassasoq, meeqqat ullup qeqqasiornissaq sioqqullugu nererusuttarnerat paasineqarmat.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

### **Ilanngussaq**

1. Ejnar Mikkelsenila Aluarpia pillugu nakkutilliinermit nalunaarusiaq

## **Punkt 4: Nakuusami aalajangersagaq tunngavigalugu suliniutit**

### **Beslutning**

Suliaq eqqartorneqarpoq.

### **Bilag**

SoMe pillugu Suliniutitik nassuiaat



## **Nakuusami aalajangersagaq tunngavigalugu suliniutit**

Oqaluuserisassaq

SagsID.: EMN-2026-00840

Meeqqanut Atuarfeqarnermullu Ingerlatsivik – pisortaagallartoq Rena Kriegel Mikkelsen / REMI

### **Inassuteqaat**

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamut inassuteqaatigineqarpoq:

1. Suliassaqarfimmi kommuniminit suliniutit siunissami pisariaqartinneqartut nalilerniarlugit siunnersuut ataatsimiititami oqaluuserineqassasoq

### **Suliassamik saqqummiussineq**

Februaarip ulluisa 24-anni Borgmesteri Avaaraq S. Olsen 2024-mi Nakuusami aalajangersagaq tunngavigalugu Meeqqat Siunnersuisoqatigiit peqqussutaat qanoq kommunimit qanoq malittarinnittoqarsinnaanersoq pillugu noqqaassuteqarpoq. Matumani atuariit, klubbit suliffeqarfillu assigisaat suliniuteqarnikkut meeqqat digitalikkut atugarisaat pitsanngorsarniarlugit inoqatinut attaveqaatit ukkataralugit immikkut ittunik aqqissuussinikkut pitsanngorsaaqataanissaat kaammattuutigineqassaaq.

Nakuusami ataatsimeersuarnermut atatillugu Meeqqat internetikkut illersugaanissaat pillugu meeqqat siunnersuisoqatigiivisa inassuteqaataat oqaasertalerneqarpoq. Tamanna tunngavigalugu ingerlatsivimmit nassuiaasiortoqarpoq, tassani Kommuneqarfik Sermersuumi inoqatinut attaveqaatit pillugit maanna suliniutaasut aqqissuussallu nassuiaassutigineqarput.

Atuarfeqarnermut suliassaqarfimmi atuariit ataasiakkaat, soorlu Nuummi AHL aamma Kangillinnguit Atuarfiat, qulequttamik suliaqarsimapput, ilaatigut elevradini oqaluuserinninnikkut, politiit saqqummiisoqarneratigut aamma digitalikkut pissusilersortarneq pillugu suliniutinik (PBL) pilersaarusiornikkut. Tasiilami politiit atuartunut internetikkut pissusilersuutit pillugit saqqummiipput.

Sammisassaqartitsinermit suliassaqarfimmi Nuummi inuusuttut klubbii Danmarkimit suliniuteqartartunit Digitalisterne under Ungdomsringen-imiit tikeraartoqarsimapput, taakku digitalikkut pissusilersuutinik sulissuteqartarput "inuusuttumiit inuusuttunut" ingerlatitseqqiisarnikkut. Tamatuma saniatigut sulisut atuisullu suliniutinik assigiinngitsunik misilittakkanik pissarsiaqarnissaat pillugu Danmarkimut angalatinnissaannut piareersaatit aallartinneqarput. Tasiilami nunaqarfinnilu aqqissuussinerit aallartivitsinnagit internetikkut attaveqaatit patajaatsut pilersinnissaat salliunneqaaqarput.

Kommuneqarfik Sermersuumit najukkani suliniutit qanoq annertunerusumik pitsanngorsarneqassanersut ataqatigiissaarneqassanersullu ataatsimiititamit oqaluuserineqarnissaa ingerlatsivimmit siunnersuutigineqarpoq - ilaatigut aalajangersakkami meeqqat inassutaat malittariniarlugit atuarfinni klubbinilu aqqissuussatigut.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut nalililneq**

Pisariaqanngilaq.



### **Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqatigiit aamma Demokraatit suleqatigiinnissamik isumaqatigiissutaat

### **Ilangussaq**

1. SoMe pillugu Suliniutinik nassuiaat

## **Punkt 5: Tunumi nunaqarfinnit atuartunik Nuummi atuartut angerlarsimaffianni tiguisinnaanermut malittarisassat**

### **Beslutning**

Inassuteqaat akuersissutigineqarpoq.

### **Bilag**

Kitaani nunaqarfinnit atuartut amerlassusaannut aamma Nuummi 2026-2033-mi atuartut angerlarsimaffinni inissat amerlassusaannut takussutissaq

Nuummi atuartut angerlarsimaffianni Tunumi nunaqarfinneersunik atuartunik tiguisinnaanermut malittarisassanut missingiut



# Tunumi nunaqarfinnit atuartunik Nuummi atuartut angerlarsimaffianni tiguisinnaanermut malittarisassat

Aalajangiiffigisassaq

SagsID.: EMN-2020-29072

Meeqqanut Atuarfeqarnermullu Ingerlatsivik – pisortaagallartoq Rena Kriegel Mikkelsen / REMI

## Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. Tunumi nunaqarfinnit atuartunik atuartut angerlarsimaffianniititsinissamut malittarisassat akuersissutigineqassasut

## Suliassamik saqqummiussineq

Meeqqanut Atuarfeqarnermullu Ingerlatsivimmi Atuarfeqarnermut Immikkoortortaqaqarfinnit massakkut ukiup atuarfiusup 2025/2026-p aallartinneranit misiliummik aallartitsisoqarpoq, tassani Nuummi atuartut angerlarsimaffianni nalinginnaasumik atuartut angerlarsimaffiannit atuartoqartartunit najugaqarnissamut qinnuteqarnissamut periarfissat Kitaani kommunimi illoqarfinnut aamma nunaqarfinnut allanut annertusarneqarluni.

Atuarfeqarnermut immikkoortortaqaqarfinnit Nuummi atuartut angerlarsimaffiannik aqutsisoq kiisalu kommunimi sumiiffinnit allaneersut nalinginnaasumik atuartuuteqalerfigineqartanngitsunit atuartut sisamat suleqatigalugit misiliut naliliiffigineqarpoq. Misiliummit misilittakkat sukumiisumik pitsaasuupput. Misiliummi misilittakkat pitsaasut tunngavigalugit, aamma ukiumut atuarfiusussamut 2032/2033-mut Kitaani nunaqarfinnit atuartut amerlassusissaannik naatsorsuinerup takutippaa, Nuummi atuartut angerlarsimaffianni atuartut amerlanerulissanngitsut, Atuarfeqarnermut immikkoortortaqaqarfinnit kissaatigineqarpoq atuartut Tunumi nunaqarfinneersut nammineerlutik toqqaasinnaalissasut Tasiilami imaluunniit Nuummi atuartut angerlarsimaffiannut qinnuteqassanerlutik.

Atuartut angerlarsimaffianni najugaqarnissamut atuartunut neqeroortarnermut aamma tunngavigineqasaaq atuartut illoqarfinni nunaqarfinmiluunniit angerlarsimaffigisaminni 9. aamma 10. klassernissaannut neqeroortoqarsinnaannginnera, Atuariartortunut atuartut angerlarsimaffianniititsisarneq pillugu Namminersorlutik Oqartussat nalunaarutaanni § 2. innersuussutigalugu. Taamaattumik tamanna tunngavigalugu taamaallaat atuartut illoqarfinninni aamma nunaqarfinninni 9. aamma 10. klassimi atuartinneqarsinnaanngitsut siunissami kommunimi atuartut angerlarsimaffiisa arlaanni ataatsimi najugaqartinneqarsinnaapput.

Atuarfeqarnermut immikkoortortaqaqarfik Nuummi atuartut angerlarsimaffianni Tunumi nunaqarfinneersunik atuortoqalernissamut malittarisassanik arlalinnik suliaqartoqarpoq. Taakkununga siunertaavoq Tunumi nunaqarfinnit qinnuteqartunik pingaarnersiuiinissamut arlalinnik aalajangersaasoqassasoq, Nuummi atuartut angerlarsimaffinni inissat qinnuteqartut amerlassusaannit amerlaneruppata. Tunumi nunaqarfinnit atuariartunik tiguisinnaanissaq pillugu aalajangiineq atuartut angerlarsimaffiini tiguneqartussanik kommunimi nalilersuinermut ataatsimiititaliap tamanna aalajangiivigisartussaavaa. Kommuneqarfik Sermersuumi atuartut angerlarsimaffiannut nalilersuinermut ataatsimiititamut nalilersueriaatsimullu najoqqutassanut nassuiaammut malittarisassat ilanngunneqassapput.

## Ingerlatsivimmit aningaasatigut sulisoqarnikkullu naliliinerit

Atuartut atuartut angerlarsimaffiannukalerneranni atuarunnaarnerannilu angalanissaannut akiliunneqartassapput. Tassunga atatillugu aasaanerani aamma juullikkunni atuannigiffimmut atatillugu angerlamut angalanissamut atuartut akiliunneqartassapput. 2021-mi atuartut



angerlarsimaffiini najugaqarnermut nalunaarutip atuutilersinneqarnerata kingornatigullu atuartut angerlarsimaffii aamma atuartut angerlarsimaffiini atualertoqarnissaa sioqqullugu piareersarluni pulaartoqartarnissamut neqeroortussaataalerput. Tassunga atatillugu aamma siunertaavoq, atuartut angerlarsimaffiini sulisut piareersarlutik nunaqarfinnut tikeraartassasut atuartut angerlarsimaffinni najugaqarneq pillugu atuartunngortussanut paasissutissiinarlutik. Nuummi atuartut angerlarsimaffianni Tunumi nunaqarfimmit atuartunik tiguisinnaanissamut aaqqissuussaq akuersissutigineqassappat, ingerlatsivimmit naliliisoqarpoq, tamanna atuartut angalanissaannut aningaasartuuteqarnerulersitsissasooq, Tunup Kitaatalu akornanni angalanerit Kitaani nunaqarfinnit angalanerit ilaatigut akisunerusarmata.

Ingerlatsivimmit atuartut angerlarsimaffiisa aningaasaqarnerannik sukumiinerusumik misissuinerimik aallartitsisoqarpoq, ilaatigut atuartut angerlarsimaffiini massakut missingersuutit aamma tassunga ilanngullugu angalanerimut aningaasaliissutit naliliiffigineqarlutik. Atuartut angalanissaannut aningaasaliissutit annertusineqarnissaannut pisariaqartitsisoqassappat, ingerlatsivimmit aningaasat taakkua qinnuteqaatigineqassappat.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Atuariartortunut atuartut angerlarsimaffianiitsisarneq pillugu Namminersorlutik Oqartussat nalunaarutaat nr. 76, 21. decembari 2021-meersoq.
- Kommuneqarfik Sermersuumi tulleriissaarinermut ataatsimiititaliamut sinaakutissatut nassuiaat aammalu atuartut angerlarsimaffianni tulleriissaarinermut suliat ingerlanneqartarnerannut periusissaq.
- Atuartut angerlarsimaffiinnut immikkoortumut pilersaarut

### **Ilanngussaq**

1. Nuummi atuartut angerlarsimaffianni aqutsisumik kiisalu atuartunik sisamanik misiliutaagallartumi peqataasimasunik apersuinermit eqikkaaneq
2. Kitaani nunaqarfinnit atuartut amerlassussaannut aamma Nuummi 2026-2033-mi atuartut angerlarsimaffinni inissat amerlassusaannut takussutissaq
3. Nuummi atuartut angerlarsimaffianni Tunumi nunaqarfinneersunik atuartunik tiguisinnaanermut malittarisassanut missingiut

**Punkt .: Tamalaat**



## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 16.59

